

KUÑA PARAGUAY REFLEXIÓN DE 5'
VERSIÓN RESUMIDA NÚMERO 49

TEMA: ¿Qué clase de mujer eres?- Una mujer digna.

MBO'EPY: Mba'eichagua kuñápa nde? – Peteĩ kuña rekojoja

Proverbios 31:26pe. “Iñe'ëkuua ha py'a porãme oporombo'e”.

MBO'EPY: Mba'eichagua kuñápa nde? – Peteĩ kuña rekojoja

Loida Mongelós ñe'ëme ñahendúta mbo'epy.

Maitei che angirũ, ko tembiapo nemba'erãite.

Umi iñarandúva he'i oĩha irundyháichagua kuña.

Lecciones Para la Vida: ¿Qué clase de mujer eres?

Kuñanguéra he'i 30.000 ñe'ë peteĩ árape, ha kuimba'ekuéra 20.000 rupi.

Ñañangarekova'erã ja'étava, ja'e rire ndaikatuvéima ñambyaty.

Prov. 21:23-pe he'i: “Ombotyva ijuru ha iñe'ërakate'ýva, ndoikéi jejopy reípe”.

Peteĩva -Kuña ñe'ërei. He'íva rupive ohechauka ipy'aro ha ojapo opa mba'e ojeipy'amongetávo ijehénte. Oñe'ë hapicháre, ijapu, ohechávante oipota ha oikovaisénte voi. Oñemo'angirũ nde rehe, upéi nemoĩvai.

Moköiha -Kuña ichi'öva: Mba'eve naiporãi chupe. Oñe'ëvai hapicháre ha iñaña.

Mbohapyha -Kuña oñangarekóva he'íva ha oja'póva rehe: Oikuaa mba'éicha javépa okirirĩ, térã oñe'ëva'erã. Oñemoñe'ë hapichápe. Ipy'aguapy ha ndaijurutie'ýi. Hapichakuéra oĩse hendive.

Irunduha -Kuña ohechakuaáva hapichápe: Oñe'ë añeteguáva ha oporomokyre'ýkuua, hory ha oñe'ë mborayhúpe hapichándi.

Remañáramo **espejo**-pe, reñeñandu porãpa? Mba'épa he'i nde rehe nde rapichakuéra?

Ne mandu'áke “Henyhëva nde py'apýgui oñe'ë nde juru”. Reñe'ëvo ojehechakuaáta mba'éichagua kuñápa nde.

Lecciones Para el Alma: Una mujer digna.

Nanemondýiripa ne memby he'i jeývo ñe'ë ereva'ekue?

Mitãnguéra ohechauka mba'éichagua sy ha túvapa oguereko.

Ja'éva ohechauka jaguerekóva ñane korasõme. Umi ja'éva opyta ñande rogaygua rekovépe. Nandéramo sy, tia, téra abuela ñaipytyvõ ñande rekove rupi ñande rogayguápe. Nde reko ohechakúata mba'éichagua kuñápa nde.

Ikatu ñañe'ë pe **moda** rehe, jajehecha poráségui, ñañemonde porã. Ko'ága ñañe'ëta pe **moda** ñane ángapegua rehe, ha'éva pe **dignidad**.

Mba'épa **dignidad**?

Ha'e pu'aka jaguerekóva ñande py'apýpe. **Dignidad** rupive ikatu reñemomba'e nde voi ha reiko akãguapýpe.

Proverbios 31: 25-26-pe he'i: "Imbarete ha ojerovia ijehe, ndoipy'apýi chupe upe oútava. Iñe'ëkuua ha py'aporãme oporombo'e".

Jahejava'erã Ñandejára pópe ñande rekove ha ñañe'ë hendive **oración** rupive.

Pe **dignidad** oñepyrû ñane korasõme. Ñame'ëramo chupe ñande rekove, jahechaukáta ñane akãguapyha. Ñande rekove iñambue jaikóramo iñe'ëme.

Jaguereko **dignidad** ñande pu'akáramo ñane remiandúre. Opavave ñande pochy sapy'ante, ñane ména, ñane memby, térã ñane angirû ndive.

Mba'épa rejapo nde pochy jave?

Oĩ peteĩ **proverbio** he'íva: "Oñe'ëmbareíva oporokutu kysepeguáicha, ha iñarandúva oporomonguera pohãmeguáicha." Pe ja'éva pochyhápe oporombyai. Ñañangarekova'erã ja'évare.

Nde pochýramo ne memby ndive, aníke ere chupe: "Ndacha'ei nde rehe" "Nderevaléi" téra "mba'upe voi renace". Ha'e ndahesaráimo'ãi ereva'ekuégui.

Peteĩ kuña oñemondéva **dignidad**-pe, no maldecíri, nda ijuruky'ái, noñe'ëi hapicháre. Ñande juru ikatu jajoko, ñandepu'akáramo ñane remiandúre.

Televisión-pe jahecháva, **novela**-kuéra, omoinge ñande rogapýpe tekovai mante.

Proverbios 11:22pe "Kuña porã iñakã guapy'ýva ojogua kurépe itĩnguaha órova."

Ñambo'eva'erã ñane membýpe teko porã.

Jahechauka **dignidad** ñande rekovépe jajeroviáramo **Jesucristo** rehe, ha jajapo iñe'ë.

Ñañembo'emína: Ñandejára ore monde mba'eporãgui. Ore pytyvõ roguereko hağua korasõ reguerohorýva, ta'orepu'aka ore remiandúre, torojapo nde reipotáva ha eiporu ore rekove mba'e porärä. Nde Ra'y **Jesús** rérape. Taupéicha.

Opáma che aravo. Jajojuhu jey peve. Ñandejára tanderovasa. Taupéicha!!!